

CORONAVIRUS: Ordinàntzia regionali n.18 de su 7 de Arbili de su 2020



REGIONE AUTÒNOMA DE SARDIGNA
REGIONE AUTONOMA DELLA SARDEGNA
Presidèntzia

Prot. n. 4037

Ordinàntzia n.18 de su 7 de Arbili de su 2020

Ogetu: Àteras mesuras straordinàrias de apretu po cumbati e prevenni su spàinu epidemiologicu de COVID-19 in territòriu de sa regioni sarda. Ordinàntzia cunforma a s'art.32, comma 3, de sa lei 23 de su mesi de Idas 1978, n.833 chi pertocat s'igieni e sa sanidadi pùbrica.

SU PRESIDENTI

BIU

S'art. 2 de sa Costitutzioni;

BIU

Su Statutu Speciali po sa Sardigna e is normas de atuatzioni chi pertocant;

BIA

Sa lei regionali 7 gennàrgiu 1977, n.1 chi batit "Normas suba s'organizazioni amministrativa de sa Regioni Sarda e suba is cumpetèntzias de sa Giunta, de sa Presidentzia e de is Assessoraus regionalis";

BIA

S'ordinàntzia de su Cabu de su Dipartimentu de sa Protetzioni Civili n.630 de su 3 de friàrgiu de su 2020, chi batit "Primus interventus urgentis de Protetzioni Civili, po s'apretu chi pertocat s'arriscu sanitàriu liau a s'apressida de patologias chi ndi benint de agentis viralis chi si podint trasmiti";



REGIONE AUTÒNOMA DE SARDIGNA
REGIONE AUTONOMA DELLA SARDEGNA

BIA

S'ordinàntzia de su Ministru de sa Saludi, de su 21 de friàrgiu de su 2020, “Àteras measuras de profilassi contras su spàinu de sa maladia impesta dora COVID-19”;

BIU

Su decretu-lei 23 friàrgiu 2020, n.6 mudau de sa lei 5 martzu de su 2020, n.13, e mescamenti s'art.2 chi disponit a pretzisu : “ Is autoridades cumpetentis cun is maneras previstas de s'articulu 3, commas 1 e 2, podint pigai àteras measuras po contenni e gestiri s'apretu po prevenni sa spainadura de s'epidemia de COVID-19 finas foras de su chi prevedit s'articulu 1, comma 1”;

BIU

Su decretu de su Cabu de su Dipartimentu de sa protetzioni civili n.627 de su 27 de friàrgiu de su 2020, chi batit “ Nomina de su Sugetu atuatori po su coordinamentu de is atividadis postas in essiri de is struturas de sa Regioni Autonoma de sa Sardigna, spertas in is setoris de sa protetzioni civili e de sa sanidadi, impignadas in sa gestioni de s'apretu chi pertocat s'arriscu sanitàriu liau a s'apressida de patologias chi ndi benint de agentis viralis chi si podint trasmiti” po mesu de su cali su Presidentu de sa Regioni Autonoma de sa Sardigna est nomenau sugetu atuatori cunforma a s'art.1, c.1 de sa OCDPC 630/2020;

BIU

Su decretu de su Presidenti de su Cunsillu de is Ministrus de su 1 de martzu de su 2020 “ Àteras dispositzionis atuativas de su decretu-lei 23 friàrgiu de su 2020, n.6 chi portat measuras urgentis po cuntenni e gestiri s'apretu epidemiologicu de COVID-19”;

BIU

Su DECRETU DE SU Presidenti de su Cunsillu de is Ministrus de su 4 martzu 2020 “ Àteras dispositzionis atuativas de su decretu-lei 23 friàrgiu 2020, n.6, chi portat measuras urgentis po



REGIONE AUTÒNOMA DE SARDIGNA
REGIONE AUTONOMA DELLA SARDEGNA

cuntennu e gestiri s'apretu epidemiologicu de COVID-19, chi si podint apricai in totu su territòriu nazionali”;

BIU

Su Decretu de su Presidenti de su Cunsillu de is Ministrus de s'8 de martzu de su 2020 “ Àteras dispositzionis atuativas de su decretu-lei 23 friàrgiu 2020, n.6 , chi pertocat is mesuras urgentis po cuntenni e gestiri s'apretu epidemiologicu de COVID-19” e prus che totu s'art.5, comma 4 chi stabiliscit ca “ Abarrat su podèri de ordinàntzia de is regionis, chi a s'art.3, comma 2, de su decretu-lei 23 friàrgiu 2020, n.6”;

BIU

Su Decretu de su Presidenti de su Cunsillu de is Ministrus de su 9 martzu 2020 chi intregat “Àteras dispositzionis operativas de su decretu-lei 23 friàrgiu 2020, n.6, suba is mesuras urgentis po cuntenni e gestiri s'apretu epidemiologicu de COVID-19, chi podint impreai po totu su territòriu nazionali”;

BIU

Su Decretu de su Presidenti de su Cunsillu de is Ministrus de s'11 martzu 2020, chi pertocat “ Àteras dispositzionis operativas de su decretu-lei 23 friàrgiu 2020, n.6 suba is mesuras urgentis po cuntenni e gestiri s'apretu epidemiologicu de COVID-19, chi si podint impreai po totu su territòriu nazionali”;

BIAS

Is ordinàntzias de s'ora e de apretu de su Presidenti de sa Regioni Sardigna, cunformas a s'art.32, comma 3, de sa lei 23 de su mesi de Idas 1978, n.833, chi pertocat s'igièni e sa sanidadi pùbrica n.2 de su 24/02/2020, n.3 de su 27/02/2020, n.4 de s'08/03/2020, n.5 de su 09/03/2020 e relativa nota acraradora n.2593 de su 10/03/2020, n.6 de su 13/03/2020, n.7 de s'08/03/2020, n.8 de su 13/03/2020, n.9 de su 14/03/2020 e relativa nota acraradora n.3EM de su 16/03/2020, n.10 de su



REGIONE AUTÒNOMA DE SARDIGNA
REGIONE AUTONOMA DELLA SARDEGNA

23/03/2020, n.11 de su 24/03/2020, n.12 e n.13 de su 25/03/2020, nùmerus 14, 15 e 16 de su 03/04/2020 e n.17 de su 04/04/2020;

BIU

S'art.1 de su decretu de su Presidenti de su Cunsillu de is Ministrus 1° arbili 2020 chi disponit un'àteru perlongu de s'efetu de is dispositzionis de su DPCM 11/03/2020 finas a su 13 de arbili de su 2020;

BIU

Su Decretu de su Ministru de is Infrastuturas e de is Trasportus paris cun su Ministru de sa Saludi n.145 de su 03/04/2020 chi, sighendi is previsionis chi a s'art.1, comma 1 de su Decretu de su Presidenti de su Cunsillu de is Ministrus 1° arbili 2020, at prèvidiu su perlongu finas a su 13/04/2020 de totus is decretus interministerialis amitius in realizazioni de s'art.1, puntu 5), de su decretu de su Presidenti de su Cunsillu de is Ministrus de s'11/03/2020 e cun scadèntzia 03/04/2020;

BIU

S'articulu 32 de sa lei 23 de su mesi de idas 1978, n.833, chi disciplinat poderis, funtzionis chi pertocant s'igieni e sa sanidadi pùbrica de su Presidenti de sa Regioni, scerai che autori dadi sanitàriu regionali;

PIGAU A CUNSIDERU

Su carateri de spàinu de s'epidemia e s'afortiamentu sinnalau de is casus e de is mortus notificaus a s'Organizazioni Mondiali de sa Sanidadi;

RILEVAU

Ca is inditus de s'ambienti scientificu e de is autoridadis politicas-amministrativas funt cuncordus ca s'unica manera po prevenni su contàgiu de su virus, cunsiderau ca non nc'est ancora una cura vacinali est a circai de no amesturai cun genti, evitai is cuntatus e impreai mesuras adeguadas (su



REGIONE AUTÒNOMA DE SARDIGNA
REGIONE AUTONOMA DELLA SARDEGNA

tretu de abarraì atesu) e s'amparu po ònniunu po mesu de dispositivus cunformaus (comentì sa biseredda), ca su virus si trasmitit prus che totu cun sa circulatzioni de is personis e su spàinu de s'aerosol e de is stìddius de salìa svaporaus (droplets) de sugetus impestaùs, fintzas asintomaticus (chi non tenit sintomus) o paucisintomaticus (cun pagus acinnus de sa maladià);

APURAU

Ca, si puru is measuras pigadas a innantis po ridusi su traficù de is passeggerus chi intrant e bessint de sa Sardigna po cuntènni sa spainadura epidemiologica de su COVID-19 apat ridusiu meda su giru de is cristianus chi ndi benint de foras, abarrat su traficù de is chi funt autorizaus po arrexonis chi s'gatant in is normas de su stadu (traballu, sanidadi, necessidadi apretosa);

RITÈNNIU

Ca, in custa situatzioni , prus che totu riferìa a sa necessidadi de fai una preventzioni beni fata, tocat a sighiri a mantènni ònnia misura po cuntènni e gestiri in una manera adeguada su sviluppu de sa situatzioni epidemiologica, apurendi cautellas idoneas po fai fronti a ocasionis de pregiudìtziu po sa genti;

CUNSIDERAU ca custu movinzu de genti chi ndi benit de foras diat a podi essi un'arriscu po s'umentu de sa spainadura de su virus, e duncas a sighiri una faddina grai po sa saludi pùbrica, si in casu, non fessint castiaus e sighìus in una manera adeguada;

APURADA sa capacidadi attuali in totu de su SSR de fai fronti a un'amaniamentu esponenziali de s'arriscu de contàgius cun su bisòngiu de postus letus specificus in terapia intensiva e pneumologia chi ndi sighit;

BIA finas, s'Ordinàntzia sua n.17 de su 4 arbili de su 2020, chi portati s dispositzionis po sa briga contras a su pinnigu de cristianus, e prus che totu s'art.5 chi prevedit: “ Sarvu is potecarias e is



REGIONE AUTÒNOMA DE SARDIGNA
REGIONE AUTONOMA DELLA SARDEGNA

parapotecarias, non si podint oberri su dominigu de ònnia cida chi balit custa ordinàntzia is butegas de calisiat manniori po bendi cosa de papai dispensadas de su pàsiu dispostu cun s'art.1 de su DPCM 11/03/2020, inclùdias is butegheddas aintru de is centru cummercialis, abarrendi is àteras stringiduras chi pertocant sa bèndida minuda chi a su DPCM de s'11/03/2020";

APRETZIAU ca su matessi arriscu de pinnigu de genti ande is butegas comentu arremonau a pitzus a s'art.5 de s'Ordinàntzia n.17/2020 po is diis de dominigu si podit intendit fintzas po is diis de festa e prus che totu po su lunis chi benit su 13 de arbili, po traditzioni su Lunis de Pasca;

APRETZIAU s'apretu perentòriu de cunfirmari is mesuras straordinàrias po s'amparu de sa saludi de is sardus po prevenni e cuntenni su spàinu in su territòriu de sa Regioni Sardigna de su COVID-19, cunforma a s'art.32 de sa lei 23 de su mesi de idas de su 1978, n.833 chi pertocat igieni e sanidadi

ORDINAT

- Art. 1) Totus is chi lompint in Sardigna, de calisiat logu, de su 4 de arbili de su 2020 depint abarrai in domu cun isolamentu fiduciàriu po 14 diis, e non depint andai a giru in totu su logu, foras de is casus previstus a manera crara in deroga de is normas de su stadu o de sa regioni. Depint fintzas,
- a) fai sciri a su dotori de mexina generali in soru de custu fatu o a su pediatra de liberu scioberu e a s'operatori de sanidadi pùbrica de su servìtziu de sanidadi pùbrica de cumpetèntzia in su logu;
 - b) de cumpilai su modulu allegau suta sa litera "A" a s'ordinàntzia de prima n.4 de s'08/03/2020 integrau cun is dispositzionis de s'Ordinàntzia n. 5 de su 09/03/2020, sighendi is maneras inditadas in sa parti "NUOVO CORONAVIRUS" aundi si podit intrai de sa *homepage* (primu pagina) de su giassu istituzionali de sa Regioni Sardigna;



- c) si aparessint acinnus, tocat a ddu fai sciri luegu a su dotori de mexina genarli o su pediatria de liberu scioberu o s'operatori de sanidadi pùbrica o de cumpetèntzia territoriali po ònnia determinatzioni chi ndi benit, e de podi essi sighù po ònnia atividadi de guardiana.

Art. 2) Po podi assetiai is dispositzionis chi a s'art.1 de prima, is aparechius e is navis, is sociedades de gestioni de is scalus e is àteras autoridadis comentisiat de cumpetèntzia depint otenni e ponni a disponimentu de sa Regioni Sardigna is nòminis e is cuntatus de is chi ant viagiau a partiri de su 4 de arbili 2020 in is linias de giuntura cun sa Sardigna, cun is maneras cuncordadas cun sa Direzioni generali de sa protetzioni civili.

Art.3) Is nominativus e is recàpitus acuisius cunforma a is articulus de prima e de is Ordinàntzias n.4 de s'08/03/2020 e n.5 de su 09/03/2020, funt manigliaus de sa Regioni Sardigna, cunforma a s'articulu 5 de s'Ordinàntzia de su Cabu de su Dipartimentu de sa protetzioni civili n.630 de su 3 de friàrgiu 2020 e arrespetendi su Regulamentu n.2016/679/UE, cun mesuras beni assetiadas e proportzionadas a s'amparu de is deretus e is libertadis de is interessaus, funt postus in unu database regionali apòsitu, impreau po averiguai si is sugetus interessaus arrespetant is 14 diis de isolamentu fiduciàriu e paris cun is fortzas de s'òrdini, is Comunos, e is Siendas Sanitàrias de cumpetèntzia in su territòriu.

Art. 4) Po is chi traballant in is navis e in is aparechius di linia chi lompint in Sardigna e finas po is autistas chi faint sa spola bàlint is dispositzionis specialis chi sighint, giai previstas in s'ordinàntzia n.5 de su 09/03/2020:

- a) is echipàgius comenti descritus mellus a pitzus non si depint stesiai de sa struttura aundi funt allogiaus o de is domus insoru finas a candu depit torrai a partiri, circhendi, po cantu funt in Sardigna, de evitai ònnia cuntatu;
- b) is bagaglius, de is echipàgius naus asuba, a pustis d'essi torraus a integrai de is nastrus, depint essi manigliaus sceti de is meris;



c) is autistas chi faint sa spola depint impreai is dispositivus de protetzioni individuali, sa biseredda cun filtru non de mancu de FFP2, guantus e ulleras o bisera de amparu. A s'acabu de ònnia servìtziu, is àreas internas de sa vetura depint essi disinfetadas cun ipocloritu de sòdiu a su 0,1% a pustis d'essi sciacuau un unu saboni neutru.

Art. 5) Su tretu de tempus po abarrai in domu comenti a s'art.1 non balit aundi est craramenti regulamentau in is notas prot.n. 2593 de su 10/03/2020 e prot.03EM de su 16/03/2020, spricadoras de is ordinàntzias de su Presidenti de sa Regioni n.5 de su 09/03/2020 e n.9 de su 14/03/2020, cun is cunditionis previstas inguni, e finas in is àteras previsionis chi funt in su Decretu interministeriali n.145 de su 03/04/2020.

Art. 6) Foras de is potecarias e is parapotecarias, lunis su 13 de arbili 2020 is àterus esercìtzius cummercialis de calisiat manniori po sa bèndida de cosa de papai scabullias de su pàsiu dispostu cun s'art.1 de su DPCM 11/03/2020, includias is butegheddas aintru de is centrus cummercialis, abarrendi is àteras stringiduras chi pertocant sa bèndida minuda chi a su DPCM de su 11/03/2020 nau asuba.

Custa ordinàntzia est balida finas a su 13 de arbili 2020, sarvu perlongu craru; Sarvu chi su fatu non siat prus crìmini grai, si non s'arrespentant is òbrigus de custa ordinàntzia nc'est una pena comenti po lei (art.4 decretu lei 25 martzu 2020, n.19).

Custa ordinàntzia benit trasmitia segundu is cumpetèntzias pari a su Presidenti de su Cunsillu de is Ministrus, a su Ministru de sa Saludi, a su Ministru de is Infrastruturas e de is Trasportus, a is Prefetus de is Ufitzius territòrialis de governu de sa Satdigna , a sa Citadi Metropolitana de Casteddu, a is Provìntzias de sa Sardigna, a is Assessoris regionalis e a is Comunus de sa Sardigna. Contras acusta ordinàntziaest amitiu de fai recursu giurisdizionali ananti de su Tribunali Amministrativu Regionali a intru de sessanta diis de sa comunicatzioni, o recursu straordinàriu a su Cabu de su Stadu a intru de centubinti diis.

Su Presidenti
Christian Solinas

Ufìtziu de sa Limba Sarda
Referenti: Elisabetta Lecca